

Seuds mit einander in frischem Brunnenwasser / vnd gurgle dich  
offt damit.

Oder.

Nim Album Græcum / das wol weiß / vnd vnder dem Dach  
gesamlet sey / pülvere es rein / vnd beutle es. Du magst auch ein  
wenig Zimmet darunder thun / vnd ihm das Zäpfflin damit vber-  
sich heben / mit einem Schäuffel.

Oder.

Nim Holderöhrlin / dörre vnd stosse sie zu reinem Puluer /  
vnd brauchts gleicher gestalt.

### Für Haisere.

**B**at ettlich Feigen / schneids dann entzwey / tunccks in gestos  
ne Negelin / vnd isse die morgens nächtern.

Oder.

Nim Hissop vnd Boleyfafft / gleich vil / mach mit Foenum  
Græcum Weel vnd Honig ein Latwerglin / laß mit einander sie-  
den / brauchts abends vnd morgens.

Oder.

Supff ein weich gesotten Ey / mit Del vnd Pfeffer ver-  
mischt / wann du schlaffen gehen wilt.

Für Haiserin / vnd ein gute Stein zumachen.

Nim Süßholz / Tragant / Gummi Arabici, Cucumer  
vnd Kürbsamen / die außgebissen seien / Enis / vnd Durkelsamen /  
jedes iij. quintlin / Weyrauch / Myrrhæ / jedes ij. quintlin / Safran  
Süßholzfafft / jedes j. quintlin / Zuckerpenit vij. quintlin / Kü-  
mich j. quintlin / Datteln ohn Kern / fünff quintlin : Stos was  
zustossen ist / das ander zerschneid klein / stos zusammen an ein Laig /  
oder Kuchen mit gutem Wein / mach Ruchlin darauß wie Krebs-  
auglin.



Auglin. Daruon nim j. oder ij. vnder die Zungen / morgens vnd abends / vnd laß sitlich zerschmelzen.

Oder.

Nim Senffmeel / vnd zwerhe es mit Meit an / vnd trinck es also warm.

Oder.

Nim Knobloch / zerstoß ihn / vnd trucke den Safft darauß / thue zu einem Lot Safft / iij. oder iiij. Löffel vol Honigs / vnd nim morgens nüchtern j. Löffel vol daruon ein.

### Kropff zuuertreiben.

Wem ein Kropff wächst.

**N**Im Eisenkraut mit den braunen Blümlin / stoß wol / binds vber den Kropff alle morgen vnd abend / so lang / biß der Kropff vergehet. Das du morgens vberbindest / laß den ganzen tag ligen / das du nachts vberbindest / laß die ganze nacht ligen.

Oder.

Nim Hauswurk / Schäffin Bnschlit / vnd Salz / eins so vil als des andern / zerstoß wol vnder einander. Streichs auff ein Leder / legs auff den Kropff. Es hilfft.

Den Kropff zuuertreiben.

Nim Kettichsafft ij. Lot / Salz / Weinessig / Saiffen / jedes j. Lot / mischs durch einander / laß vber nacht stehen. Salb darnach den Kropff alle abend vnd morgen damit / so verschwindet er.

Ein anders.

Nim eins Pferds Huff / brenn ihn in einem neuen Häselin / stoß vnd machs mit Del zu einem zarten Sälblin. Damit bestreich den Kropff / so vergehet er. Oder : Schmier den Kropff mit Wiselblut.

Für Kropff am Hals.

Nim von einem hüpschen gelben Badschwamm ein stück einer  
X ij Muscat